

## Արձանագրություն N 5

### Գենդերային բռնության դեմ պայքարի միջգերատեսչական հանձնաժողովի 2011 թվականի դեկտեմբերի 2-ի, ժամը 16:00-ի նիստի

#### Օրակարգ

1. <<Ընդդեմ գենդերային բռնության 2012 թվականի միջոցառումների ծրագրին հավանություն տալու մասին>> Հայաստանի Հանրապետության Կառավարության արձանագրային որոշման նախագծի ներկայացում
2. <<Առաջարկություն ՀՀ-ում գենդերային բռնությունից տուժածների համար ուղղորդման մեխանիզմի ստեղծման վերաբերյալ>> գրքույկի/վերլուծության ներկայացում
3. Ելույթներ, մտքերի փոխանակում <<Ընդդեմ գենդերային բռնության ակտիվության 16-օրյակ>> ամենամյա հանրապետական քարոզարշավի անցկացման մասին:

#### Մասնակցեցին

**Ֆ. Բերիկյան** ՀՀ աշխատանքի և սոցիալական հարցերի նախարարի տեղակալ (հանձնաժողովի նախագահ)

**Ն. Արզունյան** ՀՀ արդարադատության նախարարության աշխատակազմի համակարգի իրավական ապահովման վարչության ՊԱՀԿ և քրեակատարողական համակարգի օրենսդրական ապահովման բաժնի պետ

**Տ. Խաչիկյան** ՀՀ տարածքային կառավարման նախարարության աշխատակազմի տարածքային կառավարման զարգացման վարչության վերահսկողության բաժնի աշխատակից

**Գ. Ավագյան** ՀՀ առողջապահության նախարարության աշխատակազմի բժշկական օգնության կազմակերպման վարչության մոր և մանկան առողջության պահպանման բաժնի գլխավոր մասնագետ

**Ա. Ղազարյան** ՄԱԿ-ի Բնակչության հիմնադրամի ներկայացուցչի տեղակալի պաշտոնակատար (համաձայնությամբ)

**Զ. Սագրիզովա** ՄԱԿ-ի Բնակչության հիմնադրամի <Ընդդեմ գենդերային բռնության Հարավային Կովկասում> ծրագրի ղեկավար (համաձայնությամբ)

**Ծ. Հարությունյան** ԵԱՀԿ Երևանի գրասենյակի ժողովրդավարության զարգացման ծրագրի ավագ օգնական (համաձայնությամբ)

**Գ. Արմաղանովա** <Հայաստանի համալսարանական կրթությամբ կանանց ասոցիացիա> հասարակական կազմակերպության փոխնախագահ (համաձայնությամբ)

**Լ. Ահարոնյան** <Կանանց ռեսուրսային կենտրոն> հասարակական կազմակերպության համանախագահ (համաձայնությամբ)

**Դ. Սարգսյան** <Կանանց իրավունքների կենտրոն> հասարակական կազմակերպության ներկայացուցիչ (համաձայնությամբ)

**Ա. Թանաշյան** << աշխատանքի և սոցիալական հարցերի նախարարության աշխատակազմի ընտանիքի, կանանց և երեխաների հիմնահարցերի վարչության պետի տեղակալ, կանանց հիմնահարցերի բաժնի պետ (հանձնաժողովի քարտուղար)

Հանձնաժողովի նիստը բացեց << աշխատանքի և սոցիալական հարցերի նախարարի տեղակալ, հանձնաժողովի նախագահ **Ֆ. Բերիկյանը** և մինչ օրակարգի հարցերին անցնելը, անդրադարձավ Հայաստանի Հանրապետությունում 2011թ. նոյեմբերի 25-ին մեկնարկած <Ընդդեմ գենդերային բռնության ակտիվության> 16-օրյակի շրջանակներում իրականացվող միջոցառումներին: Նա նշեց, որ հանձնաժողովի այս նիստը ևս նվիրված է քարոզարշավին: Այնուհետև հանձնաժողովի անդամներին ներկայացրեց նիստի օրակարգը, որից հետո խոսքը փոխանցեց << աշխատանքի և սոցիալական հարցերի նախարարության ընտանիքի, կանանց և երեխաների հիմնահարցերի վարչության պետի տեղակալ **Ա.Թանաշյանին** ներկայացնելու համար օրակարգի 1-ին հարցը:

Ա. Թանաշյանը նախ ներկայացրեց 2011թ. <Ընդդեմ գենդերային բռնության> ծրագրով իրականացված միջոցառումները, նշելով առավել նշանակալի աշխատանքները, մասնավորապես, որ

- մշակվել է քաղձառայողների վերապատրաստման դասընթացների գենդերային բռնության ուսումնական մոդուլ, որը ներառվել է << քաղաքացիական ծառայության խորհրդի 2008թ. հուլիսի 8-ի N 567-Ա որոշմամբ հաստատված <Գենդերային հիմնահարցեր> թեմայով քաղաքացիական ծառայողների (բարձրագույն, գլխավոր, առաջատար, կրտսեր պաշտոնների համար) վերապատրաստման դասընթացներում և ըստ այդ մոդուլի 2011թ. իրականացվել են վերապատրաստման,

- << մարզպետարններում և Երևանի քաղաքապետարանում ստեղծվել են գենդերային հարցերով զբաղվող մշտական հանձնաժողովները և ՄԱԿ-ի Բնակչության հիմնադրամի աջակցությամբ կազմակերպվել է այդ հանձնաժողովների հետ հանդիպումներ, տրամադրվել է մեթոդական աջակցություն և համապատասխան տեղեկատվական նյութեր:

Նա անդրադարձավ նաև <<Ընտանեկան բռնության մասին>> << օրենքի նախագծի լրամշակման աշխատանքներին, տեղեկացնելով, որ կոնվենցիայի թարգմանությունը առաջիկայում կավարտվի և կներկայացվի աշխատանքային խմբին: Այնուհետև Ա. Թանաշյանը ներկայացրեց <<Ընդդեմ գենդերային բռնության 2012 թվականի միջոցառումների ծրագրին հավանություն տալու մասին>> Հայաստանի Հանրապետության Կառավարության արձանագրային որոշման նախագիծը և ծրագրում ներառված միջոցառումները: Նա նշեց, որ

հանձնաժողովի անդամները կարող են ներկայացվել իրենց առաջարկները նախագծի կապակցությամբ, որից հետո այն սահմանված կարգով կներկայացի ՀՀ Կառավարություն:

Հանձնաժողովի անդամների կողմից օրակարգի առաջին հարցի վերաբերյալ եղան լրացումներ և հարցեր մասնավորապես,

ՀՀ առողջապահության նախարարության աշխատակազմի բժշկական օգնության կազմակերպման վարչության մոր և մանկան առողջության պահպանման բաժնի գլխավոր մասնագետ **Գ.Ավագյանը** ներկայացրեց առողջապահության նախարարության կողմից իրականացված միջոցառումները:

ՀՀ արդարադատության նախարարության աշխատակազմի համակարգի իրավական ապահովման վարչության ՊԱՀԿ և քրեակատարողական համակարգի օրենսդրական ապահովման բաժնի պետ **Ն.Արզունյանն** անհանգստություն հայտնեց կապված «Ընտանեկան բռնության մասին» օրենքի նախագծի հանրապետությունում տեղայնացնելու հետ: Ա. Թանաշյանը պատասխանեց, որ, բացի նախագծի լրամշակումից, նախատեսվում է նաև հանրային լսումների անցկացում, որը կհեշտացնի այդ գործընթացը:

Ֆ.Բերիկյանը օրակարգի 2-րդ հարցը ներկայացնելու համար խոսքը տվեց ՄԱԿ-ի Բնակչության հիմնադրամի «Ընդդեմ գենդերային բռնության Հարավային Կովկասում» ծրագրի ղեկավար **Ջ. Սարգիզովային**: Նա ներկայացրեց «Առաջարկություն ՀՀ-ում գենդերային բռնությունից տուժածների համար ուղղորդման մեխանիզմի ստեղծման վերաբերյալ» գրքույկը, որը մշակվել է ՄԱԿ-ի Բնակչության հիմնադրամի աջակցությամբ: Նա անդրադարձավ ուղղորդման ազգային մեխանիզմի հիմնարար սկզբունքներին, գենդերային բռնության դեմ պայքարի միջոցառումների ինտեգրման մոդելին, ուղղորդման մեխանիզմի ներդրման անհրաժեշտությանը և դրա հետ կապված հնարավոր ռիսկերին:

Ֆ.Բերիկյանը գնահատեց կատարված աշխատանքը և նշեց դրա ներդրման կարևորությունը:

Օրակարգի 3-րդ հարցի վերաբերյալ հանձնաժողովի անդամների կողմից եղան մի շարք ելույթներ և հայտարարություններ: Նրանք ներկայացրեցին 16-օրյակի շրջանակներում իրենց կազմակերպությունների կողմից իրականացված կամ իրականացվելիք միջոցառումները և հրավիրեցին ակտիվ մասնակցության:

«Կանանց իրավունքների կենտրոն» ՀԿ-ի ներկայացուցիչ **Դ. Սարգսյանը** նշեց, որ 16-օրյակի շրջանակներում կազմակերպվել են մի շարք միջոցառումներ ու ակցիաներ ընդդեմ ընտանեկան բռնության՝ ֆիլմերի ցուցադրում, ցուցահանդես-մրցույթ և այլն:

ՄԱԿ-ի բնակչության հիմնադրամի «Ընդդեմ գենդերային բռնության Հարավային Կովկասում» ծրագրի ղեկավար **Ջ. Սարգիզովան** նշեց, որ ՄԱԿ-ը յուրաքանչյուր տարի մշակում է 16-օրյակի միջոցառումների օրացույց, որը տեղադրված է <http://www.genderbasedviolence.am> ինտերնետային կայքէջում:

ԵԱՀԿ-ի Երևանյան գրասենյակի ժողովրդավարության զարգացման ծրագրի ավագ օգնական Ծ. Հարությունյանը նշեց, որ դեկտեմբերի 2-ին կազմակերպվել է կլոր սեղան «Կինը և քաղաքականությունը» թեմայով, որտեղ քննարկելվել են նշված հիմնահարցերը:

**Հանձնաժողովը որոշեց՝**


1. Իգիտություն ընդունել Ա.Թանաշյանի և Զ. Սարգիզովայի հաղորդումները 2011թ. կատարված աշխատանքների, «Ընդդեմ գենդերային բռնության 2012 թվականի միջոցառումների ծրագրին հավանություն տալու մասին» Հայաստանի Հանրապետության Կառավարության արձանագրային որոշման նախագծի և «Առաջարկություն ՀՀ-ում գենդերային բռնությունից տուժածների համար ուղղորդման մեխանիզմի ստեղծման վերաբերյալ» գրքույկի վերաբերյալ:
2. Հանձնարարել՝ հանձնաժողովի անդամներին մինչև 2011թ. դեկտեմբերի 10-ը ներկայացնել առաջարկություններ նախագծի վերաբերյալ:

Հանձնաժողովի նախագահ՝



Ֆ. Բերիկյան

Հանձնաժողովի քարտուղար՝



Ա.Թանաշյան

/05.12.2011թ./